

Athör tueŋ cĭ Pĭter göt Wēt nom

Athör tueŋ cĭ Pĭter göt ěcĭ gät kȃc cĭ gam, kȃc cĭ Nhialic kuany. Kȃckȃ aake cĭ thiěi wuŏt kȃk yiic pan Athia. Wēt gēt yen athöör ě rin bĭ yen kȃc bĭ ye kuen dět puŏth bĭk gum, wēt ye ke nȃk rin cĭ kek gam. Aaye Pĭter lěk Wēt Puŏth Yam ě rin Jethu Krĭtho, raan cĭ thuŏnde ku jȃn rot ku kěden cĭ thȃn bȃ, ke cȃl aŋŏth.

Ku rin ě wēt kěně adhilkě gam bĭk kepuŏth dět ku guumkě rin ě gamden yen athem. Ku ŋickě lȃn bĭ ke riȃp akȃl le Jethu raan cĭ lȃc ku dȃc dhuk.

Na cȃk alȃn ye Pĭter ye lěk ke bĭk kepuŏth aa dět, tě yȃk kek kȃreċ, aye lěk ke aya, bĭk pĭr ke cĭt kȃc Raan cĭ lȃc ku dȃc.

Kȃk tȃ thĭn

Muŏth tueŋ 1:1-2

Lěk rin kuŏny Nhialic 1:3-12

Kȃk dhilkě looi rin Pĭr ě Yam 1:13-2:10

Kě ye kȃc cĭ gam kony riȃäk yic 2:11-4:19

Kuŏny kȃc cĭ gam 5:1-11

Muŏth ciěěn 5:12-14

¹ Yen Pĭter atuny Jethu Krĭtho, yen agět těně kȃc cĭ Nhialic kuany, cĭ thiěi běěi kȃk yiic pinyn-hom cĭměn Pontuth, Galatia, Kapadokia, Athia ku Bithinia.

² Wȃda Nhialic acĭ we kuany rin yen kěden wic theěr. Ku Wěi Nhialic acĭ we looi bȃk aa kacke, ku kěya bȃk Jethu Krĭtho theek, raan cĭ thou rin bĭ

adumuösmkun päl piny. Bī dhëej ku döördit rëer kek we.

Nöth akölrïëc ëbën

³ Yok aa dhil Nhialic Wun Bänyda Jethu Kritho leec. Ku rin lier piände tënë yo, aci yo yiëk pīr ë yam, jön cī yen Jethu Kritho jät thou yic, ku kënë ë yo cäl anöth.

⁴ Anicku lön bī yok kāk ye Nhialic täu kacke yök. Käkka aaye muk nhial paande apath ë riengkun. Aaye tööu tē cīi kek bī dhiäth thīn, tē cīn kē bī ke rac ku cīn kē nyeci ke thīn.

⁵ Aa tööu ke ë riengkun, rin le wek gam bī we tiit ë riel Nhialic. Ku këya wek aabi luök aköldä cit tē cī Nhialic guiër ye.

⁶ Mietkē puöth rin kē cī Nhialic looi, cök alön bī wek puöth aa riäak ëmën rin kajuëc bāk ke guum.

⁷ Ku kē ye wek gum, ee lön bāk nyuöth lön ye gamdun yic. Agut milänj töc, ye raan lëu bī rac, aye kanj tääu mεec bī them. Këya, gamdun tënë Nhialic wär milänj adhil them aya bī tīj lön bī wek puöth riël. Ku Nhialic abi we cäl ayök læc ku duaar aköl le Jethu Kritho dhuk.

⁸ Na cök alön këc wek ye kanj tīj, ka nhiarkē. Cök alön cīi wek ye ye tīj ëmën ka ya ke gam. Ku acīn wël puöth ye wek miët piändun teet,

⁹ rin wek aa kuöny wëikun yök, kënë yen ye yök gam yic tënë ye.

¹⁰ Koc kāk Nhialic tīj cī we læk rin dhëej Nhialic, acik wic apci bīk kuöny wëi kënë njic.

¹¹ Ku Wëi Kritho rëer kegup aci ke nyuöth tē bī Kritho guum thīn, ku kajuöth bī röt looi, ee kënë

cök. Ku acik them bik ηic ye nen bi kënë rot looi, ku yenö bi ye nyuöoth.

¹² Acī Nhialic nyuöth koc kärke tñj lon kāk yekē ke lueel aacie kāk ē kuönyden, aa kāk kony ē we. Kāk yakē ke piñ emēn aaci atuuc ē Wēt Puoth Yam jam riel Wēi Nhialic cī tuöc nhial pinynhom. Käkka aaci atuuc nhial bēn aa wic aya bik ke deet yiic.

Pir ē Yam

¹³ Kēya, cökkē röt piny rin ē luoi. Duökkē röt cöl amēr dhöl kök. Nāthkē ke ye dōc bi Nhialic gām we aköl le Jethu Kritho bēn.

¹⁴ Thēkkē Nhialic, ku duökkē piērdun cöl acök kākun yakē ke wic wepuöth, cīmēn wäär kuc wek Wēt Puoth Yam.

¹⁵ Mēcckē röt wei kuat kērac yiic ebēn akölaköl, cīmēn cii Nhialic raan cī we cöl rot ē thiäk kuat kērac aya.

¹⁶ Acī göt athör thēer wēl Nhialic yic elä, “Mēc rot wei kērac yic cīmēn mec yen kek kērac.”

¹⁷ Tē rök wek tēnē Nhialic, ayakē cöl, “Wäda.” Yen ē luk looi cök tēnē koc ebēn, kē cī raan looi yen ē tē bi Nhialic luönde luök thīn nyooth. Kēya, rēerkē ke we thek Nhialic piērdun yic pinynhom ē tēn.

¹⁸ Rin wek aa ηic kē cī we wēer bei pir wäär yic, pir cīn kē kuany thīn wäär cäk ηic tēnē wärkun dit. Ku wek aa we kēc waar kēn yäi, cīmēn ye milāñ töc ku milāñ thith yäi.

¹⁹ Ku wek aaci waar rin cī Kritho rot gam bi nök, ku kënë ajuēr thiek yic apēi, ee cīt manh amääl cīn kē diu yeguöp.

²⁰ Nhialic ëcī Jethu ləc ke piny ku nhial kəc cak, ku cəl ajəl ŋic ë nīnkā rienkun.

²¹ Ku ë Jethu yen acī wek Nhialic gam, Nhialic ë jət ye raŋ yic ku yīk duaardīt apɛi. Ku këya, wek aa la gam ku ŋəth tənē Nhialic.

²² Ku ëmən wek aaci la cək rin theek wek yic, ku bāk miəthakun anhiaar ayic, nhiarkē röt kamkun apɛi piäthkun yiic ëbən.

²³ Wek aa dhil röt nhiaar, ku rin wətden rëer thīn akölriëc ëbən, acī Nhialic we cəl aa ben dhiëeth, dhiënh mīth raan cie thou cīmən kəc ke dhiëth yo.

²⁴ Cīmən ye athör thɛɛr wəl Nhialic ye lueel ëlä, “Raan ëbən acīt noon ë riɛl, ku kuat këden path ëbən, acīt yöök ë tɛŋ.

²⁵ Ku wət cī Bëny lueel ë ya yic akölriëc ëbən.”

Wət kënē ë Wət Puəth Yam ye atuuc lək kəc.

2

Alel pīr ku kəc yam Nhialic

¹ Këya, pälkē luəi kərəc ëbən, pälkē lueth ku ruëëny, ku duökkē wepuəth ye yiək këpəth kəc kək. Ku duökkē kəc kək ye lək gup wəl rac ë path.

² Luəikē röt bāk ciət mīthkor ye ciek path ke muk. Yakē ciek path wīc akölaköl, ciek ë wëikun ku bī wëikun dīt ke we ŋic Nhialic.

³ Rin acī gət athör thɛɛr wəl Nhialic yic ëlä, “Acäk yök ë röt yen tē pəth Bëny thīn.”

⁴ Bäckē tənē Bëny, Bëny yen cīt alel pīr wäär cī kəc jai, ku acī Nhialic kuany ke ye këpath apɛi.

⁵ Ku week aya, cït aleel pïr, wek aa buth bāk aa luan wēi. Ku bāk aa kōc la cōk lēu ye bāk kāk wēi cï Nhialic gam juēr ye rin Jethu Krïtho.

⁶ Rin alēu raan bï kueen athōr thēer wēl Nhialic yic, ee yen ye lueel thïn ēlä,
 “Υεν acā alel ril path apēi kuēny bei aleel yiic,
 ku tāau Jeruthalem ē yam ke cït mēn,
 ku raan bï n̄athde tāau alel kēnē kōu acïi guōp bï yār.”

⁷ Alel kēnē apath apēi tēnē wek kōc cï gam, ku tēnē kōc kēc ye gam.

“Alel cï kōc ē buth kuc lōn cïi yen path yen acï bēn alel path apēi tēnē aleel ēbēn.”

⁸ Rin acï gōt aban̄ dēt yic athōr thēer wēl Nhialic yic ēlä,

“Kēnē yen alel bï kōc kecōk dēeny,
 ku ee yen kuur bï keek cāl awiēēk.”

Aa kecōk dēeny rin kēc kek wēt cï Nhialic lēk kōc gam. Ku kēnē yen ēcï Nhialic guiir tēnē ke.

⁹ Wek aa kōc cï Nhialic kuany ku wek aa kōc kāk Nhialic aya, yen bēnyñaknom, wun cï lōc bï Nhialic luōi, kōc ē Nhialic. Nhialic acï we cōl bei muōth yic ku bākē yērden dhēy apēi yic. Rin bāk kākken puōth ye ke looi lēk kōc.

¹⁰ Wek aa we cie kōc Nhialic, ku emēn wek aa kacke. Wek aa we kuc n̄uēn ē Nhialic, ku emēn wek aacï tē ye Nhialic kōc n̄uān thïn n̄ic.

¹¹ Māthkiē, wek aa yōk puōu ēbēn, wek kōc pïr ke we cït jōl pinynhom ē tēn. Duōkkē wepuōth ē yiēk kārēc ye guāpkun ke wïc, kārēc thār kek wēikun.

12 Piërkë ë pïr path kam kəc kuc Nhialic, ku na cəkkë ya lueel lən ye wek luui käreç, ka bi kəpuəth yakë ke looi tïŋ bik Nhialic leec aköl le yen bën.

13 Rin bi wek kë ci Bëny looi buəth yic, thekkë bāny məc baai, bēnyŋaknhom yen dīt,

14 ku bāny kək ci ke luöi bik kəc käreç looi aa tēm awuöç, ku leckë kəc kəpath looi.

15 Rin Nhialic awïc we ku bək kəc we jām gup rin kuc kek kəŋ, çəl aabit tē tïŋ kek we ke we loi kəpath.

16 Wek aacie aloony ë kəc kək. Ku duökkë kënë çəl akum käreç yakë ke looi kəth. Wek aa loony ë Nhialic luöi.

17 Thekkë raan ëbën, ku nhiarkë miëthakun ci gam. Thekkë Nhialic ku thekkë bēnyŋaknhom.

Kë ye gum Jethu nyuəth ɣo

18 Kəc luoi aa dhil wët ye bānyken lək ke piŋ, ku thekkë ke apei. Luöikë kënë tënë ke ëbën, bāny ŋic we ciëŋ ku bāny kuc we ciëŋ aya.

19 Na gum arɛɛm ke cie awuöçdun ca looi, ke yi ŋic Nhialic yïpuöu, ke yin abi Nhialic dəç.

20 Ye læç ŋö tō thïn tē beŋ yi ku gum arɛɛm rin awuöç ca looi? Ku na gum arɛɛm rin kəpuəth ca looi, ke yin abi Nhialic dəç.

21 Ee gum kënë yen ë çəl Nhialic yi, rin Kritho aci gum ë riɛnkun, ku nyuth we tē bi wek guum thïn çimënde, rin bi wek dhölde buəth yic.

22 Acin awuöç ci kaŋ looi ku akəc lueth kaŋ lueel ë thuəŋde.

23 Wäär ye kek ye läät, akəc bën adhuk nhom ë wël rɛç. Ku wäär beŋ ye akəc kəc bën riäac lən bi

yen kēde guōör, aci rot bēn tāäu ē Nhialic cin yen luk looi ē cök.

²⁴ Kritho acä awuöc jət, awuöc kärεc cuk ke looi, wäär reem ye tim cī rīū kāk, rin bī yok luai adumuōöm puöl ku pīrku ē pīr la cök. Ku tētöök juēc cī yiēk ye aaci we waar ē thou yic.

²⁵ Wek aa we cīt amēl cī dhēl baai, ku emēn wek aaci dhuök ciēn, bāk raan diεer ē we cimēn ye abiöök diεer amälke buōth, raan wēikun tīt.

3

Diäär ku Röörken

¹ Kēlä aya, wek diäär wek aa dhil röt thōn röörkun. Rin na le raan tō kamken ke kēc wēt Nhialic gam, ka bī luaidun path cöl agēm, ke cīn wēt lēk ke.

² Rin aabi pīrdun path ku tē theek wek ke thīn tīj.

³ Duökkē röt loi bāk dhēj rin kajuēc ye ke tīj wegup ayeer kepēc. Cimēn tē ye wek wenhūim guieer thīn. Ku ciēnkē mīlōōj tōc ku alēth path juēc kōk.

⁴ Duökkē ye luui kēya, ee kē rēer yīpuōu alōjthīn yen ē tē dhēēj yīn thīn nyuōth, dhēēj la yic athēēk ku lier ē puōu cie rot ē waar tē cök yīn dhiōp. Ku ee yen dhēēj ye Nhialic tīj ke path apei.

⁵ Diäär thēer wäär path Nhialic nhom ciēj ke ŋickē apei lōn bī Nhialic kē cī thōn dhiel looi, aake cī röt thōn röörken ku ee kēnē yen ē ke cöl adhēj.

⁶ Thara acit ē diäärkä, ē ye kē cī Abaram lēk ye bī looi, looi. Ku tē jīem yen tēnē ye, aye lueel bānydiē.

Wek aa cït Thara ëmën tē looi wek käpath tënë kəc kək, ke cïn kē riöc wek.

⁷ Ku wek röör aya wek aa dhil cien apath kek diäärkun, ku ñieckë lön diäär aacïi ril cïmën röör. Yakë ke ñieç ciëñ ku thekkë ke rin keek aabi miç path Nhialic yök aya cïmëndun. Luøkë kënë rin bï röökkun la cök.

Kəc cï gam aa gum rin luçi käpath

⁸ Ëmën awiëc ba wët lëk we wit. Ñieckë cien kamkun, ku ye ñek diëer këreç bï ñek yök. Nhiarkë röt cïmën ñek ke wämënhë. Lier puðu tënë kəc ëbën. Ku dhiëlke röt dhuøk piny.

⁹ Na lui kəc kək yï kërac, ke duk col tënë ke këreç dët. Na ye raan dët yï wëi kërac, ke duk wëi kërac aya. Na loi kəc käreç tënë yï ke yï thiëc Nhialic bï ke döc. Yen ee kën cöl Nhialic yï rin bï yïn döcde yök.

¹⁰ Cïmën ye athör theer wël Nhialic ye lueel ëlä, “Raan wïc pïr path ku wïc bï puðu miët, ke cie jam wël rëc ku cïi lueth ye lueel.

¹¹ Ku adhïl luçi käreç puøl ku looi käpath, adhïl them piände ëbën bï ñieç cien apath kek kəc kək.

¹² Rin Bëny ee kəc path tiit ku ee röökken piñ, ku Nhialic ee yenyin pën kəc käreç looi.”

¹³ Yeña bï cöl agum tē wïc yïn ye yïpuðu ba këpath looi?

¹⁴ Na cöl kəc kək yï agum rin looi yïn käpath, ke këpath yen aloi rot tënë yï. Duk riçc ë ke ku duk ye diëer,

15 ku calkë Kritho aye Bëny piërdun yic. Rëër ke yī cī rot guiir akōlakōl ba kəc yī thiëec tət kē yakē ŋōōth tō wepuōth wek kəc cī gam.

16 Ku duk kəc ë thany riël bīk gam, kuëec tēktēk raan dēt nhom. Loi këya ba cīi ye yök yīpuōu lən le yen awuśc ca looi, rin bī kəc man tēpuōth ciēŋ wek thīn rin ye wek kəc buōth Kritho gup yār kāk yekē ke lueel.

17 Aŋuëen ba gum rin këpuōth ca looi tē wīc Nhialic ye ba gum, tēn tē bī yīn gum rin luoi kërac.

18 Kritho aci thou arak tōk rin adumuōōmkua. Yeen ë cīn awuśc cī looi, ku aci nōk bī thou rienkua yōk kəc la gup adumuōōm bī yō wat nhīm tēnē Nhialic.

19 Ku yeen, aci jam wēt Nhialic tēnē wēi mac.

20 Wëikā aa wēi kəc wäär cī jai wäär tiit Nhialic ke bīk kepuōth dhuōk ciëen adumuōōmken, wäär guiir Noa riände. Kəc lik ke cī la riāi yic, kəc kabēt, kek aaci Nhialic bēn kony aboor yic.

21 Ku kēnē acit miōc nhom, miōc nhom yen aye Nhialic yō kony ëmēn, rin Jethu Kritho cī jət ë thou yic. Tē jīem yōk miōc nhom, yōk aaci jam rin acol ye laak wei kəc gup, miōc nhom wētde yic yōk aa röt thōn Nhialic ke puōn yer.

22 Ku Jethu Kritho atō pan Nhialic ëmēn ke rëër cuēny ë Nhialic. Ku yeen amec kāk la riël ku atuuc nhial ëbēn.

4

War pīr yic

1 Këya, Kritho ëcī reem ku guum apēi. Ke week, wek aa dhil röt guiir bāk gum cimēnde. Na rem

raan ku guum, ka cī yepuəu wəl wei adumuööm yic.

² Ku emən le tuen wek aadhil pīr tēcīt tē wīc Nhialic ye thīn, ku acie tē wīc piāthkun ye thīn.

³ Wek aaci rēer tēbäär ke we loi kāk ye kəc kēc Nhialic gam looi. Wek aa rēer ke we yīk wepuəth kāk bal ku dēŋ ē māäu, ku luoi käreç kəc cəl ayār gup, ku duər jak cī kiēt cīi ke wīc.

⁴ Ku rin cīi wek röt ye māt ke bāk aa luui käreç kəc yöör gup aya, ee ke göi ku jiēmke wegup apei wəl lueth.

⁵ Ku keek aabi dhiel kōc Nhialic nhom yen luk looi tēnē kəc pīr ku kəc cī thou, bik tēt ye lən puəth kāk cik ke looi.

⁶ Raan cī ləç ku dəç aci Wēt Puəth Yam lək kəc cī thou, kəç wäär cī Nhialic luk looi tēnē ke wäär pīir kek, cimən ye yen luk looi tēnē raan ebən. Wēt Puəth Yam ēcī Jethu lək ke rin bī wēiken pīr ē tək kek Nhialic.

⁷ Tē bī kāk loi röt emən thök ebən aci thišk. Cökke wepuəth ku rēerkē ke we tūr nhīm bāk lēu bāk rōök.

⁸ Kēdit apei kəriēç ebən yiic ē nhiēr bī ηek-ηek anhiar yepuəu apei, rin na nhiar kəç kək, ke yīn abi käreç yekē ke looi tēnē yī päl piny.

⁹ Lor raan bö paandu puən cīn yic tiēl.

¹⁰ Na ηiç mišč juēc Nhialic cī yiēk yī muk, ke yīn adhīl miščkā luöi apath bī yīn ke kəç kək kony.

¹¹ Tē piöç raan ē kamkun, ka dhil kəç aa lək wēt cī Nhialic lueel. Ku raan kony kəç kək adhīl looi këya riēl cī Nhialic gām ye rin ee luoi kēnē. Kuat kē ye raan looi ebən adhīl looi bī alēç gām Nhialic ē Jethu Krītho, raan la diik ku riēl akölriēç ebən. Yenakan.

Wek aa gum rin ye wek kɔc cī gam

¹² Mäthkië, duðkkë gëi rin arɛɛm them ë we guðmkë, duðkkë tak lɔn kë loi rot kënë acie kë cī rot kaŋ looi.

¹³ Miɛtkë puðth, wek aa gum ë dhël tōŋ thōŋ kek tēwäär cī Kritho guum thīn, rin yen abī ya miɛt piändun tē le yen bēn ke diɛkde.

¹⁴ Miɛtkë puðth tē ye we lat rin ye wek Kritho buðth. Na loi kënë rot ke ŋiɛkkë lɔn rēer Wēi diik Nhialic kek we.

¹⁵ Na le raan gum ke cīi dhil gum rin awuɔc cī looi ye yen nāk ë kɔc, nadë ke ye cuär, ku ye raan aliääp ku ye rot ciɛk kāk kɔc kōk yiic.

¹⁶ Kēya, na gum rin ye yīn raan cī gam, ke yī duk guɔp riɔc, lec Nhialic rin ye yīn raan ë Jethu.

¹⁷ Luk abī Nhialic guɔ looi tēnë kɔc ëmën, ku Nhialic abī luk kaŋ looi tuen tēnë kacke. Na jɔk Nhialic luk ë ɔo, ke luk abī dhiɛl riɛl tēnë kɔc këc Wēt Puðth Yam bā tēnë Nhialic theek.

¹⁸ Cīmën cī ye gōt athör theer wël Nhialic yic ëlä, “Käril aabī rōt kaŋ looi tēnë kɔc la cōk ku bī keek jäl kony,

na ye këya, yenō bī rot looi tēnë kɔc adumuðm, kɔc kuc Nhialic?”

¹⁹ Kɔc gum rin yen kë wīc Nhialic tēnë ke, aa dhil rōt thōn Aciēŋden kë cī lueel ka bī looi, dhiɛl tiɛɛŋ nhom. Ku dhilkë la tuen ke loi kápath.

5

Wēet tēnë kɔcdit ku riēnythii

¹ Ȳen ë raandit, ku Ȳen alëk kɔcdit akut tō kamkun ë piändië ëbën. Ȳen aci tē cī Kritho guum

thïn tïŋ. Ku ɣen abï diik bi Nhialic nyuɔɔth rəm kek ye.

²Wek alək ë puşu ebën. Calkë röt aaye abiök kɔc ë Nhialic ci yen ke we kuany bāk ke kony. Wek aaciï Nhialic wïc bāk luɔi kënë looi ke cït luɔi ci we mac thïn. Duşkkë luɔi kony wek kɔc ci gam ye looi rin ariöp ë rot. Luşşikë rin wïc wek ye bāk ke kony.

³Duk rot loi ba kɔc ci Nhialic tääu yïcök ba ke kony aa cieny ciët yïn ë bëny mɛc ke. Loi rot bi kɔc ci gam yïin aa kiëët.

⁴Ku tɛ le Abiöŋdït bën ka bi we gäm ariöpdït diik cï ben kaŋ mää.

⁵Ku wek riënythii yakë looi kē ci kɔcdït lək we. Ku week ebën wek kɔc ci gam, wek aa dhil puşth aa lier ku yakë röt dhuşk piny bāk kɔc kök ya luşşï, rin yen ë kē ye athör thɛer wël Nhialic lueel ëlä, “Nhialic aman nhiam ku ë dhëëŋ gäm kɔc lir puşth.”

⁶Dhuşkkë röt piny Nhialic ril apɛi cök bi we kony. Ku abï we jat nhial aköl le yen ye tak.

⁷Duşkkë wenhïim ye yiëk kāk wiëckë ke apɛi, calkë alooi Nhialic, rin ee yen we tiit.

⁸Pälkë röt piny ku tiëerkë nhïim. Raan aterdun, jöŋrac ë la tën, ku le tën, acït köör ci wäth wïc raan ciem.

⁹Rëërkë ke we ril ë gamdun yic. Duşkkë wëtde gam, rin anjickë miëthakun ci wëtde gam pinynhom ebën, aa gum aya cimëndun.

¹⁰Ku tɛ ci wek gum tɛthin-nyɔɔt, ke Nhialic nhiar ɣo apɛi, yen ci we cɔl bāk diikden akölrïëëc ebën rəm, rin ye wek tök kek Krïtho, abï keriëëc ebën cök

tënë we. Ku abï we looi bāk gamdun cïi war ku cəl we aa ril puəth akölaköl.

¹¹ Bï Nhialic mεc akölrïëc ëbën. Yenakan.

Muəth ciëen

¹² Wek aa tuəc athör cï Thilath γa kony, wämääth path cï gam. Wek aa yöök bāk riel gamdun yic, ku luεεl lən kë ca gət ë dhëen Nhialic ayic, dhil wek rëer thïn ë puən la cök.

¹³ Akut kəc cï gam Babilon, akut kəckuan cï Nhialic kuany aya ke γo, ee we muöəth. Ku Marko, manhdiën cï gam ë we muöəth aya.

¹⁴ Miäthkë röt muəth kəc cï gam. Υεn ë röök bāk rëer ke döör ëbën, wek kəc Kritho.

Lëk yam
New Testament in Dinka, Southwestern (SU:dik:Dinka,
Southwestern)

copyright © 2006 Wycliffe Bible Translators, Inc.

Language: Dinka, Southwestern

Translation by: Wycliffe Bible Translators, Inc.

Dinka, Southwestern

dik

Sudan

Copyright Information

© 2006, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dinka, Southwestern

© 2006, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files dated 29 Jan 2022

d94b9d26-33ff-5c4e-819f-5bfe86ac9e55